



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE MARA

Progetu finantziau cun su dinai de sa Regione Autònoma de Sardignia cunforma a sa L. 482/99 e a sa L.R. 22/2018.

Ddu sciiast?

NOSTRA SENNORA DE ITRI IN MARA

S'origini de sa veneratzioni de sa Sennora de Itri in Sardinnia tenit is arrèxinis in is contus oralis.

Custus nant chi a s'acabu de su XVI sèculu giai binti soraus (schiavi) cristianus fiant stètius scapiaus de is turcus gràtzias a acòrdius e scàmbius intru de is Musulmanus e sa Repùblica de Venezia. In s'interis chi fiant navigendi po sa pàtria insoru funt stètius tocaus de una traschia in mari, e po si salvai arribànt in su portu de Casteddu. Innoi detzidiant de abarra e po arrengratziai sa Madonna de Itri ndi iant pesau unu oratòriu dedicau a Issa in sa crèsia de Sant'Austinu.

Is imàginis o is stàtuas chi arretratant sa Madonna de Itri funt giai sempri fatas de cuatru figuras: sa Madonna, su Bambinu, unu òmini cun sa peddi crara e unu moru.

Unu de is logus acanta de Casteddu innui ddu est su cultu de sa Madonna de Itri est Mara, sa festa po sa Madonna tenit originis giai in su XVII sèculu.

Sa crèsia est stètia pesada in su XIII sèculu, fortzis intitulada a unu atru santu.

In crèsia oi s'intrat de unu portali postu aundi fiat s'absidi antiga, chi est stètia sciuciada.

Custu est stètiu dèpiu fai po mori de sa bèndida de is terrenus a giru de sa afaciada romànica.

Torraus gràtzias a [Magazzini Grafici foto](#) po s'arretratu.

